


文筭彙氏

十四

漢書門		三〇七七號	函架	一五冊
-----	--	-------	----	-----

內閣文庫		漢書	三〇七七號	函架	一五冊
------	--	----	-------	----	-----

內閣文庫		漢書	3077
冊數	15	(9)	
函號	367	61	



管子彙編卷之十四

淺草文庫

盱江後學 廷用傳作興 編纂

○周公族

管

平昌

武王封弟叔鮮於管

周管

仲字夷吾穎上人少與鮑叔牙為友曰吾與鮑叔賈分

金多自取不以我為貪知我貧也謀事困窮不以我為愚

知我時不利也三仕三退不以我為不肖知不遇時也三

戰三北不以我為怯知我有老母也生我者父母知我者

鮑子也奉公子糾奔魯射桓公中鉤鮑叔帥師來曰子糾

親也請君討之管召仇也請受而甘心焉魯殺子糾召忽

角音

銀管

彤管

管霍

管城子

一仲父
再仲父
魚傳得
君之專
如其仁
如其仁
獨著尊
王之烈

死之管仲請囚鮑叔受之及堂阜而稅焉歸言於公曰管夷吾治於高傒使相可也桓公獨任四十年號仲父作內政寄軍令以成富強一匡九合而齊以霸與桓公伐孤竹迷路曰老馬之智可用也遂師馬得路嘗云一年之計莫若樹穀十年之計莫若樹木百年之計莫若樹人任之重者莫如身途之畏者莫如口期之遠者莫如年以重任行畏途至遠期惟君子為能及四維不張國乃滅亡樂聞譏諫之言公飲仲酒仲棄其半臣聞酒入舌出三言失二身棄二其身不若棄其酒尊周攘夷夫子稱如其仁

割席著
一時之
苦節
揮金高
千古之
清修

管至父齊大夫齊侯使與連稱成葵丘瓜時而往及瓜而代漢管寧字幼安朱虛人與華歆鋤菜見金揮金不顧歆捉而擲之與歆同席讀書歆廢書觀乘軒者寧與割席與邴原華歆三人遊學號為龍寧龍頭原龍腹歆龍尾避亂居遼東二十年懷寶遁世孟觀蔡邕薦之曰含章葆素冰潔淵清匿影藏光嘉遁養浩金聲玉色久而彌章能因事適人於善魏明帝徵之元楊子陽題濯足圖踏遍遼東未是癡藜牀欲壞只心知好留一掬黃泥水漫却曹瞞受禪碑魏管輅字公明平原人明周易精於天文風角占相之術年十五隨父之瑯琊太守單子春聞其名請見會客百餘人

劇音極

皆才辯士管曰輅年少膽未堅請先飲三升清酒然後可
談酒畢問太守今欲與輅對者為誰子春曰吾自與卿旗
鼓相當因相與劇談半日衆莫能難子春曰絕似司馬長
卿嘗言吾四十七八恐不見男婚女嫁後果然何晏嘗論
易輅曰善易者不言易晏曰可謂要言不煩

晉管霽霞卽山陰道士續仙傳永和五年霽霞降於山陰謂王
羲之黃庭經未註翼日籠鵝一雙遺之羲之欣然與書籠
鵝去

宋管師復善詩不仕仁宗聞其名召問曰卿所得云何對曰蒲
塢白雲耕不盡一潭明月釣無痕欲官之不受卧雲先生

其號也與弟師常齊名號二管

霍 太原 文王子叔處封霍晉獻公伐霍二公奔齊

漢霍 光字子孟封博陸侯小心謹慎天下想聞風采武帝欲

立太子弗陵以其年穉母少察群臣惟光可任大事盡周

公輔成王圖賜之上病光泣問誰嗣上曰君未喻前畫意

耶立少子君行周公之事乃拜大將軍立弗陵為昭帝以

光輔政帝卒立昌邑王從田延年策廢昌邑王立宣帝出

入禁闈二十年沉靜詳審進止有常不失尺寸圖形麟閣

第一 弟去病驃騎將軍六擊匈奴登臨瀚海執鹵獲醜

又破昆耶於祈連山天子為治第曰匈奴未滅何以家為

羽音 伊霍 管霍 衛霍 簪纓祖 烈麟閣 先登 蒲藻王 猷虎樟 獨步

上欲教之習孫吳兵法對曰顧人之方畧何如耳不必古法

霍 諱字叔智少明經為尚書僕射上疏請解黨禁范滂出往候之而不謝曰昔叔向不見祈奚吾何謝焉

愛國奉公驃騎

宋霍安國知懷州死節李綱言仗義死節者外有李若水內有

霍安國

無心于治第

霍友端崇寧二年狀元及第踰四年已知制誥遷中書舍人

孤忠勁

始命犀帶佩魚

節渭崖

元霍希賢延祐元年狀元及第

有意于薦賢

明霍 韜號渭崖謚文敏弘治時詹事上疏宗支日廣郡王以

上猶受享多福將軍中尉而下祿糧不給失所有不忍言者宜變通以盡制要惟損過就中損有餘補不足親王從國初制祿米二千石郡王而下半折支之宜制出仕之令以盡宗室之才嘉靖時上大禮疏為大宗伯 胡世寧薦韜云薦賢如不及論事嘗有餘孤忠勁節近世罕儷 韜嘗獻東宮聖學圖冊十三事疏陳興北方水利課民多栽桑棗軍職不得納賄冒襲儒生講讀誥律禁民私自削髮皆經國實務與孫文簡坐沉酣中不覺洒然

霍 驥仕兵部尚書

宮音

沈 吳興 文王子聃季食采於沈又曰時叔封沈

責沈
沈宋

望父母

幾日月

民情真

孔亟矣

朝受命

夕飲水

子高其

庶幾乎

周沈諸梁字子高為葉公將使齊曰吾朝受命而夕飲水我其

內熱與憂事之難問孔子於子路後知乃自責有責沈文白公

作亂葉公入至北門曰君胡不胄國人望君如望慈父焉

又曰君胡胄國人望君如望歲焉白公既誅楚國以定

好畫龍天龍聞而下之公懼而走然非好真龍也好似龍

也

漢沈景為侍御史帝以其有彊能權為河間王傳初謁王

箕踞殿上景峙不為禮問王何在左右曰是非王耶曰王

不正服何異常人相謁王豈謁無禮者耶王悔過景因捕

諸奸人奏按其罪出冤獄百餘人時稱其善匡正

梁沈約字休文亦稱安西篤志讀書一夜十卷作文用官商

將平上去入四聲製韻有平頭上尾蜂腰鶴膝之名號永

明體蔡興宗謂子曰沈記室人倫師表宜善師之時謝玄

暉善詩任彥昇善筆札沈兼而有之與范雲等號稱八友

居端揆有志台司陳情於徐勉言老病數旬革帶移孔東

坡詞多病休文瘦損不堪金帶垂腰和謝宣城詩王喬飛

鳧鳥東方金馬門從宦非宦侶避世不避喧孫仲興梁

武令作竹賦極稱賞曰文體翩二可謂無忝厥祖矣

五代沈麟士字雲禎武康人自幼俊敏叔岳撫其背曰斯文不絕

其在子乎博通經史每織簾讀書人號織簾先生何尚

女號永
明之體
品居叔
慶之派

之謂子偃曰山藪多奇士沈雲禎者黃叔度之流也豈可
澄清淆濁耶汝其師之未幾歸餘杭山中從遊者至數百
人

齊沈

顛字處默性清靜生平慕尚惟黃叔度徐孺子之為人

獨居一室人罕見其面從叔勃貴顛每還吳興就見於

顛二送之不越關外勃嘆曰吾乃今知貴不如賤也累徵

不起

唐沈

炆有洞庭樂賦常岫見云此賦冷二可聽真一斤宮商

仕隋為郎將後歸唐

沈佺期字雲卿武后時為脩文館學士文加靡麗如錦綉爛

韻比宮
商
文如錦
綉

然學者宗之與宋之間稱為沈宋卓然以所長為一代冠
武后以牙緋賜之

沈既濟有良史才史館修撰子傳師治春秋舉進士權德

輿喜推轂士門生七十人推傳師為顏子

沈賓王胸次瀟灑韻致清曠居玉堂金馬有雲嶠登臨之想

職獻納論思有灞橋吟哦之色

沈易直德宗幸其家官爵以廐馬馱賜之官誥凡一百二十

軸皆飾以錦翠時以為榮

沈彬字子文隱雲陽山學仙道工詩初未舉進士夢着錦

衣貼月飛人謂身不入月宮必不第果然後任吏部歸隱

子鱗字廷瑞學道玉笥山人呼沈道者有詩寄陳智周
云名山相別後此去會難期金鼎消紅日丹田老紫芝訪
君雖有路懷我豈無詩休羨榮華事百年能幾時後尸解
而去

宋沈義倫太祖時官樞密院使清節過人伐蜀歸惟有圖書數
卷使吳越還請以楊泗軍儲貸饑民曹彬薦可大用後拜
相

沈煥字叔晦謚文達人品高明不苟自恕嘗云晝卜諸妻
子夜卜諸夢寐兩者無愧乃可言學乾道中登第以直道
忤時官浙江安撫司

沈邈弋陽進士自治才為侍御史極論夷簡罷輔臣進官
無功受賞非以為勸又論夏竦黨劉從愿以濟奸回

沈度字公雅為餘干令父老以三善名其堂一曰田無廢
土二曰市無游民三曰獄無宿繫

沈介字德夫紹興中拜秘書省正字秦熈出一對云潘游
洪沈泛瀛洲詳見游操

沈晦嘗赴舉道中夢身騎大鵬搏風而上因作大鵬贊宣
和中果魁天下

沈思字持正湖州隱君子也隱於東林名東老能釀十八
仙白酒熙寧中呂仙到其家題詩云西隣已富憂不足東

行喜休
文之八
友稱俊
許看父
老以三
善名堂

老雖貧樂有餘白酒釀成延好客黃金散盡為收書

明沈周字啓南號石田文待詔每呼為先生謂先生非人間

人也天上人也某何敢望善畫山水名重於世得其真

筆者珍之若寶

沈明臣字嘉則作鏡歌鼓吹胡宗憲曰何物沈郎雄快若是

遊金陵片語一出豪傑避席人謂歲星再謫

沈鍊號青崖為詩刺總督楊順曰白草黃沙風雨夜冤魂

多少覓頭顱又曰殺人以邀賞欺君誓不與共天

沈希儀嘉靖時將軍每出兵齎私財以行有先登者斬首者

就陣中賞之嘗率兵八萬討田州岑猛

沈一貫號蛟門萬曆時編脩歷學士上御經筵講學畢面

陳時政六事語極切直上賜銀圖書拜相

沈懋學有不羈之才作文惟抒其意不脩其辭萬曆丁丑狀

元及第上親閱卷見懋學卷中曰屢其始必厚其終循

其名必責其實謂張居正曰四句即可作狀元

雍京兆文王子雍伯之後綱目武王封諸叔於原

周雍子楚人奔晉二人與之鄙以為謀主

雍巫齊大夫善知味能辨淄澠二水即易牙也

漢雍齒為將時群臣坐沙中偶語上望見問張良良曰陛下

以若輩取天下今分封不及故相聚謀反宜急取平日甚

宮音
和雍
歌雍
仲雍
梁雍

憎者封之上曰莫如雍齒乃封什萬侯群臣喜曰雍齒且侯吾輩無患矣

唐雍陶字國鈞成都人能詩登進士為簡州刺史與馮統為友

宋雍孝聞崇寧間廷對力詆時政授官不仕變姓名為道人入內說法徽宗謂得林靈素之半自咏云百萬人中隱一身渾如勺水在滄溟獨醒雖負賢人酒天濶難尋處士星照影自憐湖水碧高吟贏得蜀山青城南老樹如相問不枉翻空過洞庭

明雍泰陝西咸寧人性氣廉厲風度稜峻人不敢干以私

憲山西樞太原知府伊珍巡撫宣府提叅將李傑言官薦有敢死之節克亂之才遷官不謝劉瑾宦轍所至輒有遺愛人謂與華嶽爭高居鄉族黨有犯法必告有司某是某非毋為雍某屈法

豐括陽武王封諸叔於豐又鄭穆公子豐之後

宋豐稷字相之鄆人登進士為祭酒嘗講無逸篇知穀城廉而平人歌清如水平如衡為御史中丞時宦官浸盛懷唐書仇士良傳讀之上慚三任言路每草疏必於密室上即焚稿薦鄒浩陳瓘皆知名當世人服其藻鑑孫存芳字公茂為太平州倅蒙古兵至知州孟知縉以城降存芳諫

官音 盈豐 豫豐 太豐 岐豐 懷書而 讀士良 之傳志

蕭宮閣

出燭而

民縣令

之貪風

清篋蓋

不聽而死一家被害卒方義竊其八歲兒禮長於民間後代蕃衍人謂忠烈之報

明豐 慶仕河南方伯一縣令篋蓋不飭懼甚以白金為燭餽之豐誤受次日謂曰爾燭不燃盡出之以易燃者

豐 熙弘治時榜眼為學士嘉靖時議禮謫戍陳洪謨言議禮諸臣誠為有罪但何孟春豐熙操履純固宜置左右以資啓沃

應 汝南 周武王子所封左傳邢晉應韓武之穆也

漢應 曜隱淮南山中高帝時與四皓俱徵不至人謂商山四皓不如淮陽一老

徵音 響應 答應

應 劭字仲遠汝陽人篤學博覽刪定律令註漢官禮儀撰

風俗記以辨古今物類名號人服其該洽

應 奉 鳳 或作 字世叔少聰敏讀書五行俱下桓帝時為司隸

上疏言忠賢武將國之心齊馮緄前討荆蠻均吉甫之功

劉祐數臨督司有不吐茹之節李膺著威幽并遺愛度遼

乃悉免刑 奉 諸袁賀 二時出閉門造車匠於內開扇出

半面視之後於道逢車匠識而呼之人號半面識

魏應 瑒字德璉有才學曹子建書德璉發跡於北魏居建安

七子之一 弟璩字休璉並以文才顯璩詩云問我何功

德三入承明廬謂為侍郎常侍侍中也 史稱汝南應氏

祈世叔 識面之 半 望思遠 保境之 全

奕葉有文

晉應詹字思遠督南平武陵天門三郡時天下大亂詹境獨

安民歌曰歲寒不凋孤境獨守拯我塗炭惠隆丘阜潤同

江海恩猶父母

應禎武帝遊華林園令群臣賦詩惟禎詩最美

宋應儼字之道昌國人進士為翰林學士知制誥長於對偶

一日帝召草麻夜已四鼓五制皆就其文蔚然歷官叅知

政事

應舜臣字仁伯貴溪進士卓犖不羈篤志嚮學官太常少卿

因言新法不便忤安石出知洪州與文潞公曾南豐相友

文章華

瞻見五

制之立

成

操履剛

方卜晚

節之獨

保

善

應本仁字本立鄞人宋亡義不仕元隱居城南博學好施慷

慨有大志慕范文正為人建義庄割腴田以贍族里又為

義塾延名師以教子弟時其出納定其條約郡府上其事

詔褒嘉之

明應檟守常州遵憲綱不跪御史有山字太守之目

應大猷與臨海金賁亨相友善應起用別金二曰他日回來

要照樣應容庵答曰我兩人竟保晚節

蔣樂安周公子伯齡封蔣

漢蔣翊字元卿仕兗州刺史廉直著聲王莽為相去奏事至

商音

灞上稱病不進歸杜陵於舍前竹下開三徑惟羊仲求仲
與之遊二人皆以廉逃名史稱其好遯不污絕紀遂唐尊
矣

蔣

滿宣帝朝為上黨令

子萬為北地都尉同詔徵見帝

耽山水
趣而徑
有三

曰父子宜同日剖符即以滿為淮南相萬為弘農守

蔣

琬字公琰仕蜀廣都長為政以安民為本不以修飾為

為社稷
臣而里
非百

先主怒琬衆事不理孔明日公琰社稷之器非百里之

才楊敏毀其作事憤不及前人主者請推治之琬不寃

為長史足兵足食以給軍餉名臣贊公琰植根不忘中正

推賢恭已久而可敬與孔明 董允 費禕謂之四英

晉蔣

凝美風標人號王笋班每到朝士家以為祥瑞

吳蔣

欽字公奕壽春人從孫策定豫章授葛陽尉討平盜賊

累功遷盪寇將軍徐盛有嫌於欽每稱其善曰天下未

寧豈可挾私怨以蔽賢乎

魏蔣

濟字子通平阿人仕中郎繆兼資文武志節慷慨嘗有

超越江漢吞吳會之心封都鄉侯

唐蔣

義字德源義興人博覽有史才楊綰奇之父將明仕集

賢學士 德宗問神策置軍本末義條對甚詳判集賢院

父子學士 子伸 偕 伸字大直宣宗每見必咨得失

三起三留曰他日不得獨對卿矣拜相 偕 歷史館三世

王笋班
朝士指
為祥瑞
社稷器
諸葛美
其風裁

踵修國史世稱良筆云蔣氏日曆焉

蔣 沆舉孝廉乾元中歷咸陽高陵縣令美政流行郭子儀

軍出其縣勅麾下曰蔣沆賢令毋撓其清官至御史中丞

遷大理卿 兄弟演 溶 清俱為才吏

宋蔣 峴字伯見登進士官至殿中侍御史自誓勿欺心勿負

主勿求田勿問舍號四勿先生

蔣之奇字穎叔舉賢良仕翰林歷樞密院山谷詩云金城千

里要人豪理君亂絲須孟勞文星合在天東璧清都紫薇

碎雲礫

蔣重珍嘉定中狀元及第有辭藻一篇丹陛對之句

子通志 超江漢 之表 穎叔胸 吞雲夢 之奇 孟勞室 刀也非 人姓名

蔣汝通好古博雅邃於性命之學晚得一官高尚不仕嘗著

質疑以祛支干五行配合之誤

明蔣 貴定西侯正統時討麓川大破之天性朴實能志勢聽

人指揮威鎮邊夷與士卒同甘苦衣糧器械不役一人臨

陣必當先直衝古名將之亞

蔣 義定西侯剛毅忠信互忿不決者曰蔣公正人也往質

之一折兩服

蔣安素為北平布政賢良方正

蔣 芝嘗曰宋儒格致誠正之說久厭聽聞及聞良知與知

行合一之說耳目一新若鱗魚鮮笋肥美爽口若久而厭

既依舊用鷺鴨羊豕

蔣 璠稱恭靖守維揚 武宗南巡取瓊花公奏此花生於

某年為瑞應至徽欽北轅此種已絕 上默然為御史舟

次有一野僧大罵詈公若不聞

蔣 澂字子川上饒人官兵曹明敏勤恪守福州釐積弊決

疑獄鋤強植弱為人正直孤耿翹然物表

蔣 冕廣西全州人正德時禮部尚書入閣辦事

蔣 性中為給事歸甚清介

茅 東海 周公第三子封茅

周茅 濛字初成博學深鑒周衰不求仕進隱華山修煉始

商音

仙茅

援茅

前茅
結茅

時白日飛昇先是邑人謠曰神仙得者茅初成駕龍上昇

入太清時下玄州戲赤城繼紫而往在我盈帝若學之臚

嘉平始皇聞之因改臘為嘉平 子盈 固 襄三人皆

得仙茅茅山稱三茅真君茅山詩云白雲生處龍池杏明

月歸時鶴馭空

秦茅 焦始皇廢太后諫死者二十七人焦解衣伏鑽曰有生

者不諱死有國者不諱亡陛下車裂假父囊撲二弟遷母

於雍殘戮諫士桀紂之行不過是也聞天有二十八宿願

死以備其數王下殿手接之爵以上卿迎太后歸母子如

初楊子曰茅焦歷井幹諫秦王可謂劇虎牙矣

解衣高
敢諫之
節而暴
主卒零
其威
避雨抗
危坐之
容而有
道因成
其德

漢茅容字季偉陳留人年四十耕於野與等輩避雨樹下獨危坐郭泰見而異之因請寓宿旦日容殺雞食母以草蔬與客共飯林宗曰卿賢哉林宗猶減三牲之具以供賓客而卿如此乃我友也因勸令從學時黃瓊卒徐穉往弔置生芻墓前而去容輕騎追及為市酒肉穉飲食之容問國家不答還以語諸人或曰可與言而不言孺子其失人乎郭泰曰孺子寒不得衣饑不得食為季偉飲食知季偉之賢故也

唐茅炳靈博學善詩登進士第

宋茅知至操尚介潔不求聞達隱於西山以六經教授龐籍薦

其德行補州教授有周詩義至性書

明茅成定遠人驍勇有膽畧洪武初歸附後樹偉績立奇勳

封東海郡公入功臣廟

茅大芳建文時為都御史死難

茅坤號鹿門進士及第

茅瓚嘉靖十七年狀元

惠 扶風 周惠王支孫以謚為姓

漢惠 乘仕交趾太守

明惠世揚登進士第

樊 上黨 文王後虞仲支孫仲皮為周鄉士食采於樊

羽音
惠然
思惠
商音

樊籠
樊圃

唐樊仲父堯時人牽牛飲水見巢父洗耳曰向聞貪言汚吾耳也仲父乃驅牛飲於上流

周樊穆仲卽仲山甫詩云柔亦不茹剛亦不吐仲山甫之德柔

嘉維則衮職有關維仲山甫補之吉甫作誦以美

樊須字子遲問知問仁學稼學圃封益都侯

漢樊噲沛人感狼星而生從高祖與項羽會鴻門項莊拔劍

碩輔
排闥動
聖主以
危言

舞意在沛公噲帶劍擁盾目視羽頭髮上指目眦盡裂

羽曰壯士賜之卮酒一生彘肩噲立飲嚼之曰秦虎狼也

沛公先破秦入咸陽勞苦而功高今聽細人之言欲誅有

功之人此亡秦之續耳攻城陷陣封武陽侯帝有疾詔戶

壺山盛

事相傳
師傅之

尊

鉅鹿愛

民乃有

農桑之

課

者毋容人入噲排闥直入見帝枕宦者卧流涕曰始陛下起豐沛定天下何其壯也天下已定又何憊也獨不見趙高之事乎

樊英字季齊南陽人少有學行名著海內隱壺山順帝以

策書玄纁徵之待以師傅之禮設壇賜几筵問得失有暴

風起西方英曰此成都火因漱水作雨息之後成都果奏

至

樊準胡陽人安帝時爲尚書郎以儒風寢衰上言人主不

可不學今博士倚席不講儒者競論浮麗宜博求幽隱寵

進儒雅以俟講習之期歷御史中丞請減無事之物省官

吏作者先零反薦龐參

樊 準字幼陵和帝時為鉅鹿太守歲饑民流乃課農桑施

方畧趙魏之間數遭寇掠準外禦盜賊內撫百姓境内以

安

隋**樊**子蓋字華宗為京兆尹舊銅虎符文帝以其政績甚著造

玉麟符代之煬帝詔子蓋將兵擊敬盤陀又曰人道公清

果如人言不子蓋謝曰臣安能清但小心不納賄耳帝賜

口味百餘斛後宴積翠池帝以金盃屬酒曰良筭嘉謀以

此賜公為高年之瑞

唐**樊** 澤有將帥才德宗召對稱肯拜相 子宗師字紹述力

狼星啓
瑞
麟玉賜
符

學博覽著春秋傳不襲前人一句號澀體終諫議大夫韓

愈稱議論有據嘗薦其才可用

宋**樊**若水池州人舉進士不第謀歸宋釣魚采石磯以小舫載

絲繩其中維南岸疾棹抵北岸計江之廣狹丈尺詣闕上

書言江南可取狀請起造浮梁以濟師帝然之及師南下

試舟於采石江不差尺寸大軍渡江若履平地擢贊善大

夫

鄴 京兆 文王都鄴子鄴侯之後

周**鄴** 舒赤狄潞子之相也有三雋才晉伯宗曰狄有五罪雋

才雖多何補焉遂滅潞

宮音

角音 邾邾

宋**鄭伸**之淳安人紹興時進士

邾 武陵 武王定鼎於邾以地為氏

周**邾** **張**見左傳

唐**邾** 滂光化中為六合宰嘗作懷古詩五十首其詩之存者

載詩

滑 下邳 周同姓國為晉所滅

宋**滑** 壽字伯仁往來鄆越居虞姚最久人稱櫻寧生

正 周正考父後 永昌 郡

漢**正** 錦武帝時獻寶鼎

魏**正** 帛仕永昌太守

宮音 滑澤 滑滑 商音

武 太原 周平王少子生有文在手曰武曰氏焉

翳音 步武 周武 祖武 孫武 大武 蘇武

魏**武** 周字伯南竹邑人仕光祿大夫 **張遼**與之厚後有隙求

交**胡質**二曰伯南身為雅士將軍稱不絕口今因睚眦成

隙乎**遼**與之平**武周**三子皆總角見稱有器望**劉公榮**曰

國士也 子**陔**字元夏仕尚書僕射 次**韶**字叔夏散騎

常侍 茂字季夏仕侍中尚書

唐**武** **甄**字平一博學高才**崔日用**諱言春秋疑義**甄**為條舉

元夏叔 夏季夏 太原多 國士之 風

無遺日用曰吾請北商**中宗**時拜修文館學士

武攸緒少有志行恬淡寡欲**武后**秉政棄官隱於嵩山之陽

優游巖壑后所賜服器皆不用耕種與民無異

在田在
天在淵
海宇瞻
文明之
盛

徵音
冢宰
邑宰
主宰

武元衡字伯蒼為平章堅毅有守足當大臣之職欲削平藩

鎮不為浮議動搖李師道遣賊暗中刺之史稱忠肝義膽

與天地相為終始可也 弟儒衡仕諫議大夫攻皇甫鏘

議多正直有風節終兵部侍郎

宋武元成淳化中為太子中允與至道九老會

武元蹈字德由高安人自號練湖居士兩貢於鄉刻意苦吟

每詩出膾炙人口著有練湖集

宰 西河 周王族宰孔以官為氏

周宰 孔稱周公襄王使宰周公賜齊侯胙命無下拜

宰 咺平王使咺來歸惠公仲子之賵車馬助葬曰賵音奉咺位

宰

六卿之長而承命以賵諸侯之妾是壞法亂紀自王朝始也

宰 讓魯惠公使讓請郊廟之禮

宰 我字子子魯人長於言語嘗晝寢及欲短喪孔子曰以

言取人失之宰我予問曰鬼神之名不知其所謂子曰氣

也者神之盛也魄也者鬼之盈也合鬼與神教之至也問

君子尚辭乎子曰君子以理為尚博而不要非所察也繁

詞飾說非所聽也 使於楚昭王問之宰子曰切見夫子

道行則樂其治不行則樂其身方今天下道德寢息志欲

興而行之誠有欲治之君夫子固欲為之何必遠辱君之

辭列四
科
智高于
古

既他日歸以告夫子子貢曰予之言行事之實未盡夫子之美也子曰言貴實使人信之舍實何稱乎賜之華不如予之實也又曰吾於予取其言之近類也於賜取其言之切事也近類則足以喻之切事則足以懼之仕齊為臨淄大夫

漢宰 黽為會稽太守

石 武威

周王族石氏伯寥武公 虎穆公 宋公族石甲父 春秋公子譜石駘仲 又望出渤海

周石 碯衛大夫諫州吁有寵而好兵公弗聽其子厚與州吁

遊禁之弗可及州吁弑桓公厚從州吁如陳石碯使告曰此二人者實弑寡君敢即圖之君子曰石碯純臣也惡州

角音 醉石 漱石 玉石 金石

心匪石

支机石

醒酒石

點頭石

吁而厚與焉大義滅親其是之謂與

漢石 奮河內温人景帝朝為九卿 長子建 次慶 次某

史失名 次某 官皆二千石號萬石君奮不言而躬行恭儉無

比以上大夫歸老子孫為小吏必冠帶見不名有過失不

責讓為博坐對案不食諸子孫自責因長老肉袒謝罪執喪

哀戚子孫遵教皆以孝謹聞太史公謂教不肅而成不嚴

而治朱子小學取其家法為明倫善行 石慶拜相醇謹

備位 子孫至二千石者十三人

晉石 苞字仲容渤海南皮人雅曠有智局不修小節惟郭玄

信趙元儒罷重之八公攀龍見荀顛下累功進位征東大

將軍 子統 崇 崇字季倫小字齊奴父分財不及崇

曰此兒雖小後當自得及為荊州刺史使客航海致富謠

事賈克望塵而拜與貴戚王愷牟琇奢侈相尚愷以飴澳

釜崇以礪代薪愷以椒塗壁崇以赤石脂愷春遊作紫絲

步障四十里崇作錦帳五十里愷得珊瑚樹高二尺許崇

碎之命取三四尺高者六七株侍妾鍾愛數十人屑沉香

末布象牙床上踐之無迹者賜珍珠百琲閨中戲曰爾非

細骨輕軀那得百琲珍珠後孫秀索綠珠不與諧於趙王

倫棄市

唐石 洪字濬川洛陽人為黃州錄事參謀又河陽參謀安貧

樂道博學謀長退之有送石處士序又贈詩風雲入壯懷

泉石別幽耳

石紹宗少貧嗜學工草隸與人書曰鄙人書無工者特由水

墨之積習當精心率意虛神靜思以取之

五代 石勒自稱後趙王

宋石熙載性忠實遇事敢言人有善即推薦之居家孝友時論

推其長者官尚書樞密賢大夫也 子中立性夷曠有學

行家富於財悉推與諸父後叅大政

石守信浚儀人太祖開國功臣仕中書令封魏國公謚武烈

子保興知澶州 保吉鎮安軍節度使

制行提躬萬石之傳家洵美明體適用守道之素盡自優

逐兎驚蝦文名高于一代拔龍附鳳鼎望重于八公

立朝正
意剛刻
徂萊聖
德之詩
傳世謙
恭再瞻
萬石家
法之善

石

介字守道射洪人徂萊先生與孫明復胡瑗讀書泰山
明體用之學廉約自持侍郎王夔餽盤飧對使謝曰肥甘
人所願但不若淡薄明志夔乃薦為殿中侍御史歐陽脩
薦正直剛明可為御史時韓范富秉政歐公余靖為諫官
介作慶曆聖德詩衆賢之進如茅斯拔大奸之去如距斯
脫指髮又惟修惟靜立朝讞素相之後含貞履潔並為
諫官正色在列 杜默送守道入太學詩仁義途中馳騁
詩書府裡從容頭角驚散蝦蟇學海波中老龍爪距逐出
狐兔聖人門前大蟲

石昌言年十八舉進士官兩制出使北虜蘇洵為序以送

石

昌言永城人以詩酒豪放自得其氣象偉然詩格奇峭又
工於書筆畫邁勁顏肋柳骨如樂意相閑禽對語生香不
斷樹交花人三嘆賞徂徠作三豪詩歐公豪於文曼卿豪
於詩杜默豪於歌官太子中允 死為仙主芙蓉城

石

悉字 登進士時梁師成用事或勸悉往見悉曰腐
夫弄柄愧未能手批蠹根柰何因取富貴山谷贈詩云才
似謫仙惟欠酒情同宋玉更逢秋神宗朝試館職 雪詩
云鸚鵡杯中未覺貧寒凝酒面不成鱗如何飛上叅軍髻
與紅妝歌舞人

起宗晉江人登進士鄭僑榜第二先是雙蓮生於梁文靖

書室梁大魁天下至是生於貢院起宗中第二後生於學
槐亭曾從龍第一人以為先兆

石文隱字季芳與兄戶部東澤公俱有文名李文正曰諸後
進可托以柄斯文者其石氏季芳乎

石大用蘇州人太學生王振堙 旨逮祭酒李時勉枷於國
子監前大用上疏請代罪以全師恩由此知名是秋中京
闈登第就銓得戶部主事

石璞河南臨漳人為入平易類輕脫者遇事剛明凜不可
犯景泰時兵部尚書歷官四十年清介如一日

商音

詹 河間

周宣王支子封詹侯其後為周大夫 周
王族圖載詹氏父 桓伯 又望出渤海

寅詹 夙詹

周詹 何善術數一日坐有牛鳴於門外何曰是黑牛也而白

其蹄使人視之果黑牛而以布裹蹄嘗以獨前經為綸芒
針為鈎荆條為竿引盈車之魚於百仞之淵而綸不絕竿
不撓

丈為今 時之堯 可績著

宋詹丕遠字子猷玉山人除右正言上疏乞謹天戒 論蔡京

華亭 郎作他 日之同

罪惡乞罷修造絕諸司浮費令學者讀史 子堯可知華
亭縣有政聲尋知房州

文名登 雋籍

詹 睽字晉卿淳熙中狀元及第
詹以和字致祥弋陽人學行與仰山齊名

詹良臣為縉雲尉方臘犯境守忠節罵賊而死徽宗官其子

大方紹興中拜簽書遂叅大政

詹先野字景舒崇安人經史諸書歷覽無遺嘗領鄉薦後隱

廩江之濱嘯咏武夷山林間人謂有仙風道骨賦詩曰武

夷溪九曲二二好垂釣自得江山樂何須公與侯

詹敦仁嘗上書於閩王景命叅決軍事賜以袍笏敦仁謝

之曰周粟紱榮寧忍食葛廬頻顧謾勞思

詹會龍年五歲建炎間以神童召見時外省獻粟上分賜會

龍曰一盂菓子賜五歲之神童即對曰三尺草茅對萬年

之明主上大奇之

詹庠字周文崇安人景祐中進君臣龜鑑有詔褒諭云策

名雋科引籍華序夙究聖賢之學載馳儒苑之名爰抒敏
詞備存懿戒因燕居之一覽實體要之可傳官兵部侍郎

子彥猷屯田郎 彥翹 彥芳並應賢良

明詹同洪武時命同等十人分道訪求賢哲又命同日吏部

天下衡鑑衡平則輕重當鑑空則媮妍審蓋政事得失在

庶官二二得失在吏部汝其慎之同與宋濂纂修日曆擇

言行之大者為皇明寶訓五卷歷仕起居注

詹仰虎番禺知縣隆慶時試御史上言多取民膏以供造鰲

山修治宮室苑囿使群小因得乾沒為聖德累不小下錦

衣

學有淵源占新淳熙第一
文多麗藻會看正統無雙

詹 槃 正統三年狀元及第

詹 璽 字廷信 貴溪進士官部署 遷藩臬 別歷五省 所至以

廉謹著性恬淡知止

富 齊郡 周王族 富氏辰 辛

周富 辰為大夫 襄王以狄伐鄭 辰諫曰 兄弟雖有小忿 不廢

懿親 今天子不忍小忿 以棄鄭親 其若之何 王以狄女為

后 諫曰 狄固貪惓 王又啓之女 德無極 婦怨無終 狄必為

患

唐富嘉謨 為晉陽 初時文體益弱 獨嘉謨與吳少微 屬詞本經

學而雄健 高麗文體大變 稱吳富體 北京三傑 富其一也

宮音 北阮富 以文為 富 彼以其 富 養賢為 富

張說 評其文如絕嶺孤峯 壁立萬仞 濃雲轉興 震雷勃發

誠可畏也 若施之廟堂 則駭矣

宋富 弼 字彥國 河南人 大節難奪 天與忠義 嘗青州救荒 河

北京東大水流 民就食 弼勸所部民出粟 益以官廩 得公

私廬舍十餘萬 區散處其人 以便薪水 官吏自前資待缺

寄居者 皆賦以祿 使就民所 聚選老弱病瘠者 廩之 仍書

其勞 約他日為奏 請受賞 率五日遣人持酒肉飯糗 慰藉

出於至誠 山林陂澤之利 悉聽流民 擅取活五十餘萬人

募為兵者 又萬計 先是救災 皆聚民城中 粥食蒸為疾疫

有待哺 數日不得而仆 自弼立法 簡便周盡 天下傳以為

望高三 傑而文 體聿新 通好兩 朝而和 議可久

境外爭

二字獻

納忠義

天生

青州蘇

萬姓流

離仁慈

性溢

式仁宗朝使契丹曰兩朝通好四十年一旦求割地澶淵
 之役苟從諸將言北兵無能脫者好通則人主專其利用
 兵則利歸臣下契丹主大悟又曰北朝以得地為榮南朝
 必以失地為辱婚姻亦易生嫌隙豈若幣之利哉弼還奏
 帝復遣持和親納幣二議受口傳之詞於政府行次樂壽
 曰吾使者不見國書脫書詞與口傳異吾事敗矣啓視果
 不同疾馳還易書以行爭獻納二字帝以納字與之拜翰
 林學士固辭帝問置相於王素二曰惟宦官宮妾不知姓
 名者可充其選乃與文彥博同拜相士大夫相慶於朝帝
 語歐陽脩曰古之命相或得諸夢卜朕用二人人情如此

豈不賢於夢卜哉契丹使語王德用曰天子以公為樞密
 以富公為相將相皆得人矣嘗對帝曰人君好惡不可令
 人窺測當如天之鑒人善惡皆所自取又云不宜重賞邊
 功干戈一起禍福不小封鄭國公判汝州上言新法不便
 忠義之性老而彌篤為晏元獻之壻東坡云厥翁之態度
 迥超水清不滓乃壻之丰神頓別玉潤無瑕居洛與邵雍
 相隣贈太尉謚文忠 子紹庭 紹宗 紹隆

富直言遇事敢諫紹興中知樞密院事

富元衡字公權登進士第守節清慎始終不渝官歷朝散大
 夫

徵音
銅狄
北狄

狄

天水 周成王封少子於狄

周狄

黑字哲之衛人孔門弟子

唐狄仁傑

字懷英太原人稱梁公赴并州法曹登太行山見白

雲孤飛曰吾親舍在其下同府參軍鄭崇質當使絕域仁

傑以其母老請代行簡仁基義之曰斗南一人而已為江

南巡撫奏毀吳楚淫祠一千七百餘所都督幽州上賜紫

袍玉帶親製十二金字於袍以旌其忠妻師德薦為相狄

公不知數擠師德武后語以師德知人朕用卿師德薦也

公嘆曰婁公盛德我為所包容久矣太后欲立武承嗣公

曰姑侄與母子孰親立子則萬歲後配食太廟立侄則未

欣二作
桃李于
公門
濟三備
參苓于
富室

望白雲

而惆悵

念切親

關

授夾日

以張皇

功成帝

室

聞臣為天子而耐始於廟者也解鸚鵡折翼之夢曰武者

陛下之姓兩翼者二子也立子則翼振矣太后呼國老而

不名薦姚崇 張柬之 桓彥範 敬暉 蘇味道 李

嶠或曰天下桃李盡在公門轉周為唐授五龍夾日元行

冲願備藥石詔各舉尚書郎一人仁傑舉其子光嗣為地

官郎稱職太后曰卿足繼祈奚矣嘗令昌邑老嫗訴虎害

其子仁傑移文告神虎伏階下乃告眾殺之令彭澤奏赦

大辟三百餘邑人德之 孫兼謨有祖風遷御史中丞帝

曰卿狄公後能不墜家聲又曰御史臺朝廷綱紀一臺正

則朝廷治

宋狄 青字漢臣西河人慎密寡言在樞密掌機務得軍情以
使相判陳州京師呼為天使范仲淹謂為將不知今古匹
夫勇也乃折節讀書後為陝西宣撫敵將儂智高守崑崙
關青至賓州值上元節大張燈宴將佐忽稱疾如內服藥
數遣行酒三未散忽報三鼓已破崑崙不拜狄梁公為祖
介胄之士不忝禮樂之儒上觀其儀表曰朕之關張
狄 諮為閣門使奏事延和殿上問鄉父有遺書存乎諮乃
上平蠻記及歸仁舖戰陣圖
狄遵度字元規篤於嗜學意有所得即仰屋瞪視人呼之勿
聞舉進士父裴仕主簿有狄國賓者分仁傑告身於裴

奏錄國賓一官自稱仁傑十四世孫

翁 鹽官 周宣王庶子食采翁山因氏焉

漢翁 君傳穀梁春秋之學

翁 伯販脂為紫富傾邑里

唐翁仲孺渭州人家貧有異行天雨金十餘斛於家遂富埒於

王侯

翁承贊字文堯莆田人登進士在中書誅槐花詩雨中粧點

望中黃勾引蟬聲送夕陽憶得當年隨計吏馬蹄終日為

君忙歷左拾遺拜相

宋翁仲通字濟可崇安人為武平令俗不知學仲通買民地建

羽音 仙翁 塞翁 傳穀梁 之學廣 探麟經 進老子 之春光 生鰲首

建武平
之學而
戶誦家
絃
聞彥約
之風而
奸清弊
息

學以教之民皆感化 子彥約字行簡登進士歷提舉河
北學事以薦拔人才為急日講畫實邊制勝之策知高郵
華商販茶鹽私坐貿易之弊 彥深第進士以書白時相
言與金人夾攻契丹非是徙秘書監時宦者梁師成提舉
秘書省彥深不肯造詣 彥國官御史中丞靖康之變充
經制使撰文誓衆移書責張邦昌 彥約子仕挺學問該
博落筆數千言以恩補官朝臣交薦詔赴闕下所陳皆朝
廷急務上喜曰何見卿之晚授少府監以不附時相貶有
詩文集李綱稱其文雄深雅健淵源浩博又稱凌厲奮發
絕去畦徑號五峯居士

翁 績字熙載宣和末詣闕上書言夏人無故請和金人納

款趙良嗣 董才來降遂妄生邊釁乞斬二人頭以篤信

好不報

翁 延慶崇安人靖康初以蔭補聊城縣舉義兵從王若訥等

勤王至京與金人血戰死贈朝散大夫官其子世脩

明翁萬達兵部尚書北虜犯永寧達親督總兵追毀虜遁去捷

聞加陞既而虜將深入達乞飭諸臣在關北者必戰以退

虜在關南者必守以保邊 上令相機戰守為總督請自

今有妄殺降人冒功者許巡按斬首示衆

翁 大立嘉靖時總理河道上五患十二圖 上留覽以示各

司巡撫蘇州擊捕海寇

翁正春號青陽閩人狀元及第 上夢老子進一春字及廷

臣擬卷進呈 上見名乃悟所夢老子是翁字進一春是

正春遂擢第一未第時受教職紫雲繞官人意學官之士

高發誰知公大魁也

邗 河內 周武王第二子封邗為邗叔後省文為于

漢邗 侯上谷太守杜預左傳注自邗穿溝入海今邗溝也作

邗

于 河內

漢于 公東海人為獄吏有孝婦養姑不嫁始謂隣曰婦事我

羽音
往于
淳于

鮮于

廷尉天

下之平

孫支茂

衍

宮師忠

愍之烈

勲業重

光

勤謹我老父累丁壯柰何因自經姑女告婦殺母孝婦不
能辨誣服于公爭之不得婦死陳海旱三年公言於太守
致祭立雨 公間門壞父老共治之公令高大可容駟馬
高車子孫必有興者 子定國字曼倩時稱張釋之為廷
尉天下無冤民定國為廷尉民自以不冤善繼父志身列
九卿尤迎師學春秋執弟子禮為人謙謹決獄平恕從疑
從輕加審慎之心丙吉薦自代拜相

魏于 禁字文則假節鉞為虎威將軍戰陣有法雖古名將無

以加

碑音低 代五 于粟碑代人能左右馳射魏明元時遷外都大官平刑折獄

甚有聲稱自少總戎迄於白首臨事善斷加以謙虛下士
子謹字思敬仕周大都督封燕國公素性謙抑不以功
高自恣為大履之棟梁作巨川之舟楫者年碩德名重望
高為三老 孫義字慈恭以父蔭歷武安太守惟崇教化
不尚威刑郡人爭財相訟義曰太守息薄不德所致以家
財分與之各懷愧而去 曾孫宣敏以家門貴盛每懷靜
退著述志賦以自見 勁字鍾葵自粟磧以來一皇后二
尚書令三開國公

唐于延陵建州刺史去京八千里上曰朕左右皆建人卿潔已
奉公則常在朕前不則三尺堦前便是萬里

錦字堪

珍愛清

泉流來

紅葉

鴛交預

定喜幽

思滿乎

素懷

亂

于志寧字仲謐瀛洲學士貞觀中為太子左庶子切諫太子
承乾太子惡之使刺客往刺客見志寧獨處苦塊竟不忍
殺後拜僕射封燕國公 曾孫休烈機鑒精敏善文章累
官集賢院學士終工部尚書 五世孫淙字禮用登進士
篤學礪行咸通中翰林學士歷戶部尚書後死於黃巢之
亂
于祐為學士於御溝得一紅葉云流水何太急深宮盡日
閒殷勤謝紅葉好去到人間祐亦題葉云曾聞葉上題紅
怨葉上題詩寄阿誰逆流而入韓夫人得之後放宮女丞
相韓泳聞韓翠屏有學為祐作伐及成禮開宴取葉相視

謙入京 未嘗有 土物汴 人誦其 詩曰手 怕磨菘 與線香 本資民 用反為 殃清風 兩袖朝 天去免 得閭閻 話短長

韓曰一聯佳句隨流水十載幽思滿素懷今日結成鸞鳳
友方知紅葉是良媒

于頔字允元湖州刺史有湖陂灌田三十頃久廢頔行縣
命脩復隄塘歲獲秬稻萬計歷司空平章

明于謙謚忠肅浙江錢塘人骨相異常七歲僧相曰救時宰相也任御史才貌英偉聲如洪鍾遇事敢言不避權貴巡按江西人稱神明民尸祝之巡撫河南山西二省十餘年上章舉叅政孫原貞自代王振嗾言官論罷民赴闕懇留歷兵部尚書北虜犯京謙掘土坑藏身自點火藥虜死炮下者甚衆或曰李綱不如奏立京營團操之法操練有法

斟酌得宜萬世不勞之道也持身極嚴一毫不苟取王事多艱居止朝房窮年不返私第國家危而復安厥功不小

謙薦王偉二密奏謙過 上以疏示謙二出偉迎問曰今

日 聖諭何事謙笑示曰吾有短當面言之何至此天順

初誣以謀立外藩處斬王鳳洲曰于肅愍之在樞也庶幾

蛟龍天下望而思其澤 子冕上書訟父冤 上復其官

秩

狐 絳郡 周平王子王子狐之後以狐為氏

周狐卷子魏文侯問曰父賢足恃乎曰不足子賢足恃乎曰不足兄弟賢足恃乎曰不足臣賢足恃乎曰不足文侯作色

羽音 狐假 狐媚 狐腋

孤表

曰子以為不足何也曰父賢不過堯而丹朱放子賢不過舜而瞽瞍頑兄賢不過舜而象傲弟賢不過周公而管蔡誅臣賢不過湯武而桀紂伐望人者不至恃人者不久君欲治請從身始

狐 突晉大夫懷公立 突之子毛 偃從重耳在秦公執

突曰子來則免對曰子之能仕父教之忠古之制也今臣之子名在重耳若又召之教之二也淫刑以逞誰則無罪臣聞命矣乃就死 子偃即勇犯及毛從文公在外十九年比文公定王室宣信諸侯而霸天下大抵偃之力也 初文公反國及河子犯以璧授公曰臣負羈縻從君巡於

天下臣之罪多矣請由此亡公子曰所不與舅氏同心者有如白水

潘 滎陽 周文王畢公子食采於潘

周潘叔黨楚大夫與養由基躡甲而射徹札焉以示楚王曰君

潘楊謂楊經字武仲潘

有臣如此何憂於戰

晉潘 京字世美武陵人與樂廣共談累日廣曰君天才如此

若加以學必為一代談宗因勤學不倦歷泉陵令明於政術有道不拾遺之風

潘 岳字安仁滎陽人少號奇童姿容甚美每出婦女以菓

擲之滿車而歸與夏侯湛同輿接茵人謂連璧為河陽令

縣花迎

墨綬

江錦綉

銅章

蒲縣種桃云河陽花縣才名冠世藻思如江濯錦綺而增
絢累官太常卿著閒居賦云壽觴舉慈顏和終優游以養
拙與石崇論事賈充每望塵而拜 文苑羽儀詩人龜鑑
金谷園二十四友之首石崇次之

潘 滔大才劉興長才裴邀清才時稱為越府三才

潘茂名入山遇二道士奕顧謂潘曰亦識此否答曰入猶蛇
竇出似鴈行道士微笑而可其說因語以服食之法遂仙
去

唐潘好禮為人廉靜不苛則天時著論徐有功蹈道依仁云
其子請舉明經好禮曰經不明不可舉明經

潘孟陽登博學弘詞科除鹽鐵轉運使巡視江淮所至會賓
客留連暢樂名譽大擢

潘 綜遭亂父老不能行語綜曰汝走可脫綜反迎賊叩頭
曰父年老乞賜生命父曰吾不惜死乞活此兇賊遂執父
綜抱父哭一賊曰殺孝子不祥遂兩釋後以薦官遂昌縣
長

潘 筠狀元及第著書號紫巖子云披髮仗劍刺臂出血申
盟於天曰不忠不孝臣願殺之遊心清虛有賦明月一篇
自寓

潘 晏善劍術嘗謁海州刺史鄭匡國館於外廡一日從獵

無效孟
陽之飲
酒遊山
當如紫
炭之使
劍刺血

於外匡國妻詣庭中覘宸棲泊之所惟破榻竹籠二內錫
彈丸二顆宸還發籠視之大驚曰定為婦人所觸幸吾攝
其光不爾頸落矣圍人以告匡國乃召問曰先生有劍術
乎曰素所習也可一觀乎曰可當齋戒三日得平曠之地
試之如期宸探囊中錫丸俄出氣如白虹起繞梁匡國頭
上有聲錚然匡國汗如雨下曰先生神術固已知幸收其
威靈宸笑舉一手二白氣復貫掌中仍為二丸匡國敬重
後不知所終

宋潘美字仲詢大名人平澤潞下江南所向有功官忠武節
度使同平章封韓國公謚武惠圖昭勳崇德閣列廣州八

賢堂

舉隆越
府才三
望重廣
州賢八

潘良貴字子賤立朝侃 = 蔡京父子以爵祿釣知名士良貴
正色謝絕呂頤浩引入兩省貴謂受其牢籠他日必難展

布

潘允字說之登進士累官寶謨閣待制路允迪稱其言語
文章一本六經之醇毅然有守終無玷闕

潘游洪
沈泛瀛
洲見游
操

潘殖字子醇浦城人性好學不倦兩舉鄉薦為真州推官
述志筌書五卷理性書九篇自稱浩然子劉子翬喜其書
為跋其後稱其得易門戶

潘翼字雄飛青田人貫穿群書凡禮樂制度傳註箋疏雜

說靡不淹通明天文地理作皇極圖著九域賦記問橫臆
動輒數千言王十朋自少從遊每嘆不能竟其學

潘友文字文叔東陽人朱熹 呂祖謙皆與友善知崑山縣
寬慈惠愛人呼潘佛子

大臨著
奇才之
譽
文叔擅
佛子之
名

明潘叔正濟平州同知永樂時建言舊會通河四百五十里其
闕塞者三之一濬而通之非惟山東之民免逆運之勞實
國家無窮之利也 朝廷從之 命工部尚書宋禮發山
東丁夫開濬自是海險陸費之苦可免耗財滿舟之患永
無

潘希曾工部侍郎嘉靖時上治河疏曰河之漕而要者有三

今上流二支俱就湮塞全河東下併注於飛雲橋一支下
束徐呂二洪上過閘河流水茫無畔岸决堤塞沙大為漕
患非疏其上流則秋來水發沙雖挑而復淤堤雖築而復
决正在疏孫家渡以殺水勢

潘士藻嘗忿頑民因思書曰爾無忿疾於頑遂覺氣平湖州
人

潘禮為司空歸田貧甚盜夜掠之惟有粟數升敝裘一領
盜驚嘆叩頭曰使在官皆若公我輩安能亂

潘季馴萬曆初發金八十餘萬命御史季馴脩淮陽堤延袤
八百餘里漕河功成請重盜决河防之罪

羽音

庇寒

廣寒

十寒

齒寒

寒

潯陽

周武王寒侯之後

周寒泉子秦惠王曰蘇秦欺寡人欲以一人之智反覆山東之

君合從以欺秦寡人忿然含怒日久欲使武安子往諭意

焉泉子曰不可夫攻城墮邑請使武安子通好諸侯請使

客卿惠王曰敬受命

漢寒

朗字伯奇魯薛人官侍御史明帝時楚王英獄顏忠王

平詞引耿建臧信等上怒甚吏無有以情恕者朗心傷其

冤試以建等物色獨問忠平不能對朗乃上言建等無奸

專為忠平所誣疑天下無辜類多如此帝意解理出洛陽

獄千餘人

五代

寒 貧字德林客三輔嘗讀老子五千文及諸內書日夜吟

味不絕後漢中破還長安遂癡愚問其姓名不言因號寒

貧

晁

京兆 周景王子朝之後 鼃亦作晁

漢鼃

錯受尚書於伏生以文學為太常掌故號曰智囊法令

多所更定孝文時上言邊事并募民田塞下兵事畧云器

械不利以其卒與敵也卒不堪用以其將予敵也足餉畧

云明君貴五穀而賤金玉莫如貴粟務農令民輸粟於邊

以贖罪不三年而塞上饒矣又云帝王之道動出萬全景

帝時錯議削七國吳王反袁盎謂斬錯兵乃可釋鄧公曰

羽音 董晁

務農貴

粟開千

石足餉

之原

選將練
兵極一

時制勝
之策

吳欲反又矣特借錯為名錯患七國強而請削地誠忠計也今戮之是為諸王報仇也上曰吾亦恨之

宋晁

迥字明遠為翰林學士真宗稱好學長者知貢舉賜詩

云必以權衡求實士莫教蓬華有遺才

晁宗恪

字世恭知虔州修廢弛抑奸強威信大行盜不敢發

獄無繫囚後以光祿少卿知信州治信如治虔為學士一

夕草將相制五父子掌誥

晁仲詢

字芻民性穎敏風儀凝重不妄言笑黃魯直贈云歎

君豪甚倚天劍退居任城事親而樂又喜宴賓客勤施

予人皆嘆德宇難窺

羽儀文
苑一夕
而五制
克成

龜鑑朝

端三同

而百異

以見

晁端彥

字叔美清豐人與章子厚同生同榜同館職常以三

同呼之及子厚拜相

叔美見其設施數為規諫因出陝守

叔美謂所親曰三同今百不同矣文章字法朝野宗尚

子說之字以道自少激昂刻意經術登進士蘇子瞻以文

章典麗可備著述薦公於朝後與陳叔易同隱嵩山叔易

被召以道詩云處士何人為作牙畫攜猿鶴到京華故山

岩壑空惆悵六六峯前是一家其急流勇退之意真西山

極愛重之補之字無咎雅慕陶潛為人其文尤精楚辭

登進士官杭州覽錢塘風物之麗作七述以謁蘇軾二先

欲賦此見所作嘆曰可閣筆矣及退居作摸魚兒詞買破

塘旋栽楊柳以自樂 無咎娶杜純女又以已女妻梁願

吉

晁謙之字恭道澶州人仕敷文館學士渡江來親族離散謙

之極力救恤因居信州環居種竹號竹院 侄公諤資性

穎異克紹家風嘗判股以起母病以叔謙之恩補將仕郎

歷廣昌令宦情素薄臨事不苟

晁公翹字子泗有絕人之資承五世文獻之傳為文雄深雅

健鉅麗俊偉登進士官朝散大夫

陽 藍田 周景王少子封陽樊以邑為氏 晉羊舌氏 後亦有陽楊 三姓 魯人陽虎貌似孔子

周陽 畫 或作楊 宓子賤為單父宰過陽畫三日吾少也賤不知

商音 山陽

曲陽

向陽

卧南陽

陽春

治民之術有釣道二焉夫被綸錯餌迎而吸之者陽鱗也

魚薄而不美若存若亡若食若不食者魴也魚博而味厚

子賤曰善於是未至單父冠蓋迎之者相望子賤曰驅之

夫陽畫所謂陽鱗者至矣

陽 膚魯弟子孟氏使為士師問於魯子二二曰上失其

道民散久矣如得其情則哀矜而勿喜

陽處父晉臣謂趙盾能日使能國之利也是以上之宣子於

是乎始為國政

陽 州父苦夷為季氏臣生子以陽州之役命曰陽州因氏

焉

處父以

忠信動

君

苦夷以

壯烈命

氏

漢陽雍伯嘗設義漿給行人三年有人飲訖問曰何不設菜羹
曰無種其人出菜子一升與之曰種此生美玉并得好婦
公種之數歲北平徐氏有女公求之徐氏曰得白璧一雙
當為婚公於所種處求之得白璧五雙以聘名其地曰玉
田生十男

^{五代}陽休之字子烈俊爽有風槩以文藻擅聲人稱為後來之秀

四世孫嶠唐中宗時桓彥範 袁恕已薦為侍御史楊
再思曰嶠不樂搏擊之任彥範曰為官擇人豈必所欲耶
後歷魏州刺史魏人求再任入為國子祭酒嘗親訓督諸
生

唐陽城字亢宗北平人隱滄州中條山與弟楷 城講論不

輟食檢骨粥人餽米不受李泌薦召諫議大夫夫人皆慕望
風采韓愈作爭臣論諷之云陽子居晉之鄙晉之鄙人薰

其德而善長者幾千人及陸贄貶城率拾遺王仲舒等守

延英門疏論贄無罪德宗欲相裴延齡城曰白麻出我必
壞之改國子司業城告諸生日學者學為忠孝諸生有父

不省親者乎三年不歸侍者斥之躬講經籍生徒斤二皆

有法度遷道州刺史治民如治家不以簿書介意賦稅不
登觀察使數加請讓城自署其考曰撫字心勞催科政拙

考下下觀察使遣判官督賦城自囚獄判官驚去

晉鄙沐
善良之
化
道州蒙
撫字之
休



宋陽孝本字行先贛人嘗館蒲宗孟家蒲問所欲乃市書以贈後官直秘閣與李存同掛冠而隱號崆峒二老

岑 南陽 周文王封異弟耀之子渠為岑子因氏焉

宮音 高岑 蔚岑

漢岑 彭字君然棘陽人光武徇河內彭說曰赤眉入關更始危殆此皇天祐漢士人之福也拜勅奸大將軍浞平河北封舞陰侯奉勅擊蜀曰兩城若下便當取蜀地人若不知足既得隴復望蜀也入關所至奔散公孫述以杖擊地曰是何神也列雲臺

勳業著 于雲臺 德政歌 于魏郡

岑 熙守魏郡招隱逸與論政事無為而化人歌曰我有枳棘岑君伐之我有蝨賊岑君過之狗吠不驚足下生菴舍

哺鼓腹焉知其美

岑 暉字公孝有幹國之器南陽守成璿以暉為功曹委心聽任時人謠曰南陽太守岑公孝弘農成璿但坐嘯與張儉等為八及言能使人追及也

暉八及 之高駸 接三岑 之善政

唐岑文本字景仁棘陽人性質篤厚文章華贍少時山亭避暑有扣門云上清童子元寶參衣上清五銖之服出至墻下不見掘之得古錢一枚自是富盛貞觀初為中書侍郎專典機務進中書令有憂色語者曰吾今受弔不受賀也有文集行世

岑徵君李白作鳴臯歌以送之云白鷗兮飛來長與君相親

岑 義字仲華武后時金壇令 弟仲翔長洲令 仲林溧

水令皆有治績宰相宗楚客謂其本道御史日毋遺江東

三岑 義遷中書舍人進吏部掌選剛廉官至侍中自文

本至義一門三相在清要者數人 三相一岑長倩

岑 仲聖曆中為縣令登仙杏山尋覓仙人杏

岑 參登進士以起居舍人出為魏州長史思舊詩幸得趨

紫殿却憶侍丹墀史筆衆推直諫書人莫窺詩與李杜頡

頡

項 遼西 姬姓國齊桓公滅項後以為氏

周項 橐年七歲為孔子師 孟康註董仲舒傳云達巷黨人

商音 頡頏 頡頏

乃項橐也

秦項 籍字羽其先世為楚將以封姓項有項燕項梁 羽少

讀書不成學劍又不成季父梁怒日書足記姓名劍一人

敵不足學二萬人敵梁乃教羽兵法羽身長八尺力能扛

鼎才器過人 梁殺會稽守自立為將與羽以八千人渡

江梁敗羽遂將其軍楚懷王使宋義將兵救趙義頓兵不

進羽日國兵新破王掃境內以屬將軍國家安危在此一

舉怠緩可乎乃即帳中斬義引兵渡河沉船破釜持三日

糧以示必死遇秦軍九戰大破之羽自立為西楚霸王與

高帝爭衡百戰百勝後敗於垓下與虞姬別歌日力拔山

萬軍項

萬人敵

所向無

前

百戰功

金稱莫

匹

兮氣蓋世時不利兮雖不逝雖不逝兮可柰何虞兮二

柰若何自刎烏江

漢項仲山安陵清者飲馬渭水每投三錢

唐項斯字子遷臨海人登進士為丹徒尉為人清竒雅正尤

工於詩楊祭酒敬之贈詩云幾度愛君詩最美見君標格

勝於詩平生不解藏人善到處逢人說項斯

宋項安世字平父括蒼人登進士自號平菴所著有易玩辭及

兩漢表行世評史自天理觀之則申侯為平生不共戴

天之仇自平王觀之則申侯乃其賈克成濟也戍之宄矣

項肆字處約登進士為湖口縣令政教大行吏民懷服時

錢投渭水而清
名著倉發映西而仁
政昭

詔給官價買義役田其子訓欣然割已田應詔不受官價
縣令更名其鄉曰和義里曰歸善云

明項文曜兵部侍郎媚附于謙待朝時必附謙耳密言行坐不
離時以為于公之妾朝議患其黨比調吏侍

項忠謚襄毅嘉興人巡撫陝西以拯民為已任不待奏報

發倉賑之計滿四堅主坐困之策相持三月忠披堅督戰

先後二十餘陣矢石如雨馬文升勸持重忠曰奉命討賊

久無成功死所甘心陞右都御史李滄溟言項襄毅坐困

叛達之績不下趙充國坐困羗氏使當時反達不殄與套

虜連兵誠可懼也巡撫順天河間多發官廩設分勸法得

沉船破釜而功
在必成執銳披
堅而戰無不克

米十六萬石牛布銀萬餘活二十七萬餘人

文竿彙氏卷之十四終

長治二十一年中...

發食郡之...

取 忠 結 葉 殊 嘉 興 人 漢 謝 淵 既 以 對 吳 魯 曰 吾 不 吝 奉 時

...

...

...

...

